

恩施縣志卷之十二

兵事志

團練附

謹按前明改縣爲衛控制土司恩施之用兵常也  
我

朝軫念及之制同上郡以蘇此一方民鑿井耕田百  
餘年人不知兵然武備固未弛也茲述兵事兼  
於防堵團練見士民之忠義焉志兵事

歷代兵事

三國志吳志陸遜傳黃武元年劉備率大衆來向西

恩施縣志

卷十二

兵事

一

界從巫峽建平連圍至夷陵界立數十屯遜曰此  
必有譎上疏曰夷陵要害國之關限備水陸俱進  
今反舍船就陸處處結營察其布置必無他變乃  
敕各持一把茅以火攻拔破其四十餘營備因夜  
遁

千寶晉紀王濬治船於蜀吳彥取其流梯以呈孫皓  
曰晉必有攻吳之計當增建平兵建平不下終不  
敢渡江皓弗從

五代史前蜀世家昭宗天復元年王建攻下夔施忠

萬四州此後施遂爲蜀所據莊宗同光三年蜀王  
衍降旋爲後蜀孟氏所據

宋史太祖本紀乾德三年正月己酉蜀王孟昶降癸

巳劉光義取夔施忠開四州

通鑿後編

宋史太宗本紀淳化五年六月賊攻施州

係李順賊黨張餘

指揮黃布遜擊走之

宋史列傳史方字正臣開封人天禧中知夔州時富  
順州蠻田彥晏寇施州焚暗利砦方領兵直抵富  
陽蕩洗巢穴窮追至七女柵降之

恩施縣志

卷十二 兵事

二

宋史蠻夷列傳乾興初順州蠻田彥晏率其黨田承  
恩寇施州暗利砦縱火而去夔州發兵討之俘獲  
甚衆

宋史列傳林栗字黃仲福州福清人知夔州屬郡曰  
施州其羈縻郡曰思州施民覃汝翌者與知思州  
田汝弼交惡會汝弼卒汝翌率兵二千人伐其喪  
弼子祖周深入報復兵交於二州之境施黔大震  
汝翌復以重幣備兵諸岨而乞師於帥府栗曰汝  
翌實招亂者移檄罷兵乃選吏屬往攝兵職以漸

收汝翌之權令馬兵鈴轄按閱諸州密檄至施就攝州事翌不之覺已乃惶恐遁入成都事聞孝宗親劄賜粟及成都制置使陳峴曰田氏猶有羈縻州郡覃氏乃夔路豪族又且首爲釁端帥府不能彈壓從其至此如尙不悛未免加兵除其元惡汝翌在成都聞之逃歸調集家丁及役入砦義軍於沱河橋與官軍戰潰汝翌遁去俘其徒四十三人獲甲鎧器仗三萬一千粟取其巨惡九人誅之田祖周懼與其母冉氏謀獻黔江田業計錢九十萬

恩施縣志

卷十二

兵事

三

緡以贖罪蠻遂安宋宣和四年詔茂州石泉軍士丁子弟不諳射藝選施黔兵善射者各營五十人分任教習

宋史兵志

施州諸砦有義軍指揮把截將砦將弁土丁總計一千二百八十一人壯丁六百六十九人又有西路巡防殿侍兼義軍都指揮使都頭十將押番砦將

宋史兵志

徽宗崇寧元年湖北都鈐轄舒亶奉旨召募施黔土丁討辰沅山徭每州無過七百人緣徭賊深據溪

洞險阻不通正軍故也 宋史兵志

宋史孟琪傳嘉熙三年諜報大元兵欲大舉臨江琪策必道施黔以透湖湘以二千人屯峽州千人屯歸州以精兵五千駐松滋爲夔聲援大元兵自隨窺江琪密令劉全拒敵遣伍思智以千人戍施州元史文宗本紀至順三年正月夔路忠信寨崗主阿其什用合崗蠻八百餘寇施州四月師壁散毛大盤追出三崗蠻野王等二十三人來貢方物

元史石抹按只契丹人卒子不老襲父職爲懷遠大

恩施縣志

卷十二

兵事

四

將軍兼夔路守副萬戶至元十八年大小盤諸崗蠻叛懷遠大將軍奉命率諸翼蒙古漢軍三千餘人戍施州旣而蠻酋向貴什用等降其餘崗蠻之未服者悉平以爲保寧等處萬戶

明史土司列傳洪武十四年江夏侯周德興移師討水盡源通塔平散毛諸崗置施州衛軍民指揮使司

明功臣錄洪武二十二年宣德侯金鎮駐施州休息士卒控制蠻獠

明洪武初置施州衛軍民指揮使其屬有指揮同知  
指揮僉事左右中千戶所千戶百戶計兵四千六  
百七十九名 續文獻通考

明洪武十七年景川侯曹震言散毛崗蠻時寇掠爲  
民患已命施州衛及施南宣撫覃大勝招之如負  
固請發兵討之 明土司列傳

明洪武二十三年涼國公藍玉克散毛崗禽刺惹長  
官覃大旺等萬餘人置大田軍民千戶所隸施州  
衛

恩施縣志

卷十二

兵事

五

成化元年僉事郁文博按部至施時有川寇餘黨竄  
八衛地博命指揮童鐘督施南宣撫覃彥昇擒獲  
孫居士胡清等三十餘人悉平之 舊衛志

宏治中崇教寨民廖王文等入寇建始之親隴里參  
政林鑛同僉事鄭岳都指揮同知樊華按部至施  
率本衛及瞿塘忠州長甯等衛所官軍先駐要隘  
玉文等十一人威攝受欵事平賜金幣又與兵遷  
學宮於城南門之右卽今所 林鑛閬中人鄭岳莆  
田人樊華荊州左衛  
人

明史列傳鄭岳字汝華宏治六年進士遷湖廣僉事  
施州庶民自相仇殺有司以叛聞岳擒治其魁餘  
悉縱遣

正統十三年師壁七十餘處各相攻殺施地大震御  
史蔣誠副使邢端按部至施率指揮童輔督兵討  
之追其僞印

舊衛志

成化元年麓川反千戶唐貴領施兵討平之陞賞指  
揮周溥隨征大藤峽功陞本省都司

正德間戎角村民叛指揮童昶討之又廣西獠叛指

恩施縣志

卷十二

兵事

六

揮童昶率戎角村土兵隨征有功陞賞

嘉靖元年散毛覃斌殺忠建田本奪其地楚撫席書  
檄指揮孫廉督征遁入永順九年施州賊黃馬了  
等百人流劫雲萬奉節等處川東道檄本衛擒捕  
偵知馬了乃忠路仇人檄安撫覃正剛擒之二十  
入年施民譚黃牯流劫巫建歸巴奉萬兩省會剿  
指揮杜過伏兵賊巢歸路夾擊擒之

明永樂初刺荆瞿守備鎮施又每歲命按察司都司  
官各一員巡歷間歲御史親至

嘉靖四十五年黃中初平設兵備道駐彝轄重慶府屬歲專巡施自李堯德任後宰執張居正卽議撤去天啟三年奢酋據重慶復設兵備道事平亦撤添荊州通判一員爲撫夷廳專制施州

隆慶三年政府同知爲撫夷廳萬曆二十年給關防

命駐施兼理糧餉衛掌印

卽二尹也

屯操巡捕每五年

軍政推遷千百戶亦然

唐氏衛志

崇禎二年木貢民譚正倫與仇互告案未剖仇者復殺傷多命指揮唐堯德單騎入擒正倫正法當事

### 恩施縣志

#### 卷十二

兵事

七

嘉之

七年流寇猖獗檄調施南東鄉二司進剿以指揮鄧宗震唐堯德及僧寂明分督之至巴東平陽壩敗績寂明死之十二月施南土司覃良士因事在獄土司統兵圍城脅指揮唐復元出良士所過村庄殘滅殆盡

崇禎七年流寇自楚入蜀由巴東過建始統衆數十萬居民屠戮大半自是往來不絕十七年張獻忠賊首大驅荆民入蜀路過建始又肆殺掠衛有上

司之擾里民之變此時流寇尙未入衛以衛猶僻處故也

國朝

順治丁亥五月闖賊愛將李過卽一隻虎與土司戰於城南大破之遂遣僞總兵劉大倉鎮衛旋以殘酷檄屯南坪己丑年獻賊黨李來亨高必正姚黃等相繼劫奪擄掠人口索金錢贖之

李自成小名磴生

辛卯年劉體純號二虎者至鳳衛伯牟文綬家居惡其裸剝男女詐稱秦王檄檄之去癸巳年孫可望

恩施縣志

卷十二

兵事

八

自貴州來寇乙未劉體純忿文綬欺己自西山發兵來時綬已沒劉賊洗其家復掠衛民

丙申年正月僞荆國公王觀興爲賊黨三家之一詐稱就衛逐劉賊興竄入戎角村

施東境

四壁懸絕惟

一徑可上己亥年焚衛城驅士民入戎角編伍派役分搜山谷曰打糧湖督川督兩次招安不聽殺其使甲辰上自川東下達彝陵諸賊蕩平興懼欲降爲僞參謀蔣尙膺所阻時有衛舊指揮陶啟唐等與土庶暗結投誠興覺截殺而人心猶背乙巳



年正月王觀興驅施民出山同壯聲威民扶老攜  
幼踐踏棄捐死者過半至荊州乞降湖督張長唐  
親爲撫慰着遺民領粟與糧回籍遣江南武進士  
徐尙謀爲衛守備五月抵衛城中屋僅數椽又遣  
靳宗臣同衛舊弁朱純捧檄招降土司是年七月  
設游擊防守運米接濟謀與臣披荆斬棘撫恤流  
亡始有生全之樂其留荆者亦十有二三

康熙十三年僞周吳三桂據滇南檄至施衛守備賈  
進才降賊旋以貪殘被逮僞總兵李春儒又來鎮

恩施縣志

卷十二

兵事

九

施時建始亦降賊張拱極爲僞令十七年三桂死  
十九年賊兵敗泐春儒乃降安置荊州以天年終  
又逐張拱極以祖建藩爲建始令譚宏本獻賊黨  
投誠

封慕義侯吳逆叛從逆吳逆敗又降康熙二十年秋  
又據四川天成山叛陷夔州及施建時張拱極久  
匿民間乘亂襲執祖建藩解賊營囚之次年賊平

建藩歸斬張拱極

以上本童志唐志及建令武怡  
志畧夔志荆志

吳逆平後

上諭赦從逆餘黨許以維新十七年提督徐檄宣  
上德招安至施自是施及建乃反正

嘉慶元年覃加輝賊黨自長樂竄縣東境老虎口官  
兵逼追險隘處殲斃無算又林之華餘黨自榔坪  
竄擾縣東崔家壩等地亦被官兵鄉勇追勦洗蕩  
淨盡

嘉慶元年四川奉節土賊湯允禮等倡亂恩施朱德  
洪起應之知縣尹英圖捕擒正法先是德洪以白  
蓮教煽誘其衆至數百人生員趙興義首其事遂

恩施縣志

卷十二

兵事

十

率兵勇往捕甫至半途德洪爲其鄉人所擒來獻  
咸豐七年髮逆自襄陽復竄宜昌將由大溪建始兩路窺  
施先使偵賊人山勾結土匪爲內應恩邑戒嚴副  
將興祿帶兵出防知府陳壽圖遴選邑紳設局團  
防並措餉支給兵勇委府經歷邵汝正帶勇防駐  
野山河及羚羊口一帶要隘三月野山河擒獲奸  
細二名府縣會訊戮之賊知有備而止

十一年七月黔蜀流寇李洪糾連髮逆入竄蜀之涪  
州南川等處官兵擊敗逆由羊角集郁山鎮進陷

黔江直徇咸豐郡邑聞風震懾是時署知府黃益  
杰解任新署知府陳洪鐘臨莅甫數日乃會同邑  
令多壽遴派邑紳倡議防勦設局支應募勇訓練  
富紳捐貲數萬交局供給軍食火藥器械一切施  
南協副將惠春率兵出防咸豐之線壩並於恩宣  
咸三縣錯壤之牛欄口及碼瑙河九道水瓦屋壩  
天橋長沙河一帶入郡之要隘處派邑紳率練勇  
協同營弁扼險據守黔江賊首廣大五闌入大吉  
場地方勾土匪爲內應府縣飭團勇擒殺之自是

郡城戒嚴奸細無從潛遁自殺者三人連日復捕  
得數人誅之九月十三日賊竄線壩營兵潰防副  
將惠春退保天橋翌日線壩警至府縣馳羽檄乞  
援於宜鎮夔州並詳請各大憲速撥大軍入山防  
勦十四日賊焚咸豐十五日賊陷來鳳知縣王頌  
三死之府縣立即遴員帶勇扼防宣恩之東門關  
是時髮賊仍踞來鳳以南省兵勇漸集不能竄越  
將乘虛圍撲郡城府縣復催調宜昌四川及下游  
大軍兼程來援十月四川營守備况倫福丁鳴岐

帶兵勇四百名至自夔州建南同知周會文募勇三百名至自利川府縣以川兵進防宣恩移利勇進防乾壩復移現屯天橋之副將惠春官兵進營咸豐十九日髮逆分股竄乾壩同知周會文移軍卧犀坪宜鎮遊擊興祿都司雙慶帶本鎮官兵八百餘員名先後至郡翌日進軍東門關高羅十一月李撫調劉觀察嶽昭一軍分起由陸赴施援助是月諜報賊率黨棄來邑進窺郡城以火發礮不然而止十二月記名總鎮李復勝帥果後左右雄

健副後五營軍自巴東由陸來施十三日李復勝進軍來鳳營於新載坡與賊兩戰皆捷十八日總領果後全軍劉觀察至自宜昌翌日進攻來鳳檄調宜鎮及本協官兵移屯忠堡禦賊竄咸豐之路二十四日劉總領檄傳各路防兵同攻來鳳宜施兩營移駐紅花嶺二十五日劉軍出戰賊率衆來犯李復勝擊卻之宜施兵出麂子峽賊圍攻官兵敗績施南協副將惠春宜鎮遊擊興祿都司雙慶守備朱正名把總譚尙榮本協守備周忠福把總

李世斌外委黃一才沈光才余文富等皆戰死之  
宜施兵沒於陣者大半旋偵報石逆達開統賊數  
十萬衆自隆港浦市竄援來鳳前賊至茅坪距龍  
山僅數十里府縣急稟各憲請再速撥一軍以原  
兵力李撫批調駐襄金道國琛馳施會勦同治元  
年正月石逆大股竄入來鳳城卽分黨羽屯據忠  
堡一帶時南省大軍全駐龍山並不移營楚北果  
健一軍由郡入川局紳挽留助防不允於是馳請  
劉總領撥軍守衛郡城初六日李復勝率果後湘

勇入郡分屯西北二門以局勇分防東南二門初  
九日劉總領督同恩施紳勇攻來鳳克之賊衆奔  
北旋即分股襲郡城一由黑洞抄至牛攔口後直  
撲大吉場盛家壩碼瑙河分入沙子門救坡紅岩  
山等處距郡城僅四五十里紳勇奮力擊卻之一  
由牛滾壩圍攻郡城果後營會同紳團截擊遂西  
由兩河口見天壩竊利川之馬鬃嶺李子坳入川  
恩施所屬之二官屯安樂屯小溪等處又有另股  
奔竄皆經紳勇堵截事平府憲會詳施郡肅清在

事官紳兵練防勦出力毀家紓難急公好義迺出尋常時邑紳李際昌張映乾朱輝旒劉元貴李道源黃之儀朱宸賈誼臣成道燧饒應祺均蒙獎勵在案

同治二年五月黔匪包毛仙竄至酉陽逼近施疆警報日至知府夏錫麒知縣許光曙傳集紳富曉以大義捐貲募勇設立團防總局製造旗械訓練勇丁號爲恩威正副二軍戰守之具俱備隨札飭宣來咸利四縣募勇守隘自固疆圉並結聲援七日

石逆僞官李幅猷從糾集流賊擾黔江勢逼施郡府縣會移協營派兵出防副將札拉罕卽率官兵數百餘員名出防咸豐隨撥恩威二軍飭邑紳分赴牛攔口黃泥塘九道水各要隘堵禦又按戶抽丁協同練勇分布四城晝夜防守兼以鄰邑四應軍力倍壯布置愈匝民心始安府縣復恐賊衆兵單移調宜鎮官兵來援是月賊偵施疆有備遂率黨衆竄秀水入貴州八月賊蹤愈遠府縣飭撤總局釋勇歸農所餘軍需四千餘金歸入麟溪書院

於優武寓修文之意焉

附團練

同治元年知縣多壽新定團練章程二十條通詳各  
大憲批飭各州縣悉遵行之案存縣署

謹按聖人纂易以雜卦說卦終其編學者倣之以爲例齊諧誌怪之書興焉志正之餘其有事本眞實迹涉奇異具錄之可以爲人心風俗勸者已大遠於漢魏叢談也至祥告爲五行之徵辨譌關考據之用秉筆者似未可盡付諸闕如矣

撰雜志

叢記

爾雅釋獸魑如小熊竊毛而黃託今建平山中有此獸

恩施縣志 卷十二 雜志

十六

狀如熊而小毛麇淺赤黃色俗呼爲赤豹疏竊淺也  
狀如小熊淺毛而黃者名魑

恩施縣南三十里許有地極幽僻名白泥扳明末紳士童大護莊也莊丁童有福一日山行見二白犬搖尾而前狀甚猙獰異而逐之入一洞洞內有水清且淺犬涉水而過有福亦隨之往不數武出洞口豁然聞朗烟村繡錯桑柘依稀宛然桃源景物心益異之欲窮其迹約里許有數老人聚飲樹下見有福詰所自以逐犬對老人曰是吾犬也賜之食有福食訖納所



餘於衣袖及出視之肉則木石蔬則草也歸而告其  
主同往訪之頑石荒草茫然無迹矣

秋燈叢話

開元寺鐘唐開元中清江郡叟牧於郡南田間忽聞有  
異聲自地中發叟與牧童俱驚走自是叟病熱甚少  
愈夢一丈夫青衣襦顧謂叟曰遷我於開元寺叟驚  
寤及曉偕其子往郡南鑿其地約丈餘得一鐘色青  
乃所夢丈夫衣色也遂白郡守移至開元寺每日辰  
時不擊自鳴聲極震響清江人莫不驚歎

宣室志

恩施縣紅崖山高數百仞峻嶺崇崖爲全真棲遊之所

恩施縣志

卷十二

雜志

十七

順治初有蔣道士者入山訪修煉地忽見茂林修竹  
中瓦屋數楹白板朱扉最爲幽潔履其室空洞無物  
惟粉壁題七言一絕筆勢飛舞墨跡猶濕詩曰碩石  
盤旋白玉松枝頭暗結紫芙蓉青雲有路終須到紅  
日光輝滿太空蔣諷吟數遍默識其處次晨負笈至  
竹樹依然而舍宇杳如踏尋竟日終不可得又山中  
有巨杉恒隱藏沙土內傳爲千百年物居人求之者  
持錐刺土嗅錐末有香氣則掘得之或負之不盡標  
志其迹異日往視並標亦失之矣

見宋志

杜詩云籠竹和烟滴露梢施地慈竹筍出與林齊籜全  
不解一線彎彎如垂柳如此兩三月方解籜次年始  
見枝葉山深多霧午時露珠猶滴未嘗不嘆詩人體  
物之工也 宋志

杜詩云土俗坐男使女立男當門戶女出入施地鄉僻  
處皆然男主家中接賓客飲酒食肉而已水耕火種  
婦女任之舊聞坎爲北方卦故男健於女離爲南方  
卦故女健於男健者當勞弱者當逸驗之冀北交趾  
皆然今見一斑也 宋志

恩施縣志

卷十二

雜志

十八

趙姑者施南崇甯里民女也及笄未字餉父於田渴而  
飲於溪久不返父覓不得惟見飲處插金釵一股拔  
之不起夜見夢於父曰兒爲龍攝去不能生還明春  
豫於溪內插籬置筍春雨雷鳴得魚必夥卽以爲甘  
旨之供父如言歲頗獲利以此畢餘生焉村人以香  
楮往祝者求必得魚至今相沿爲趙姑魚而所插金  
釵化爲鐵柱云 童志

殷太公者衛旗軍性長厚而婦極貪鄙公外出有買穀  
數石者婦量與之矣公歸佯曰家有秕穀何不谷攬

二三升乎婦曰已攬若干矣公默計其數補買者曰  
代昨日茶蓋覆妻之短也其夜夢神授以二紗帽曰  
以旌善人後妻生子之盤妾生子之銘俱以歲貢先  
後任主簿書香不絕

以上童志

明時蔡姓者衛富紳也吝而刻家有餘米先一宿用水  
漬之以鬻於人一日雷雨大作掣蔡跪庭中書其背  
作米中用水四字而皆闕其中豎雷殷殷宅旁木上  
其火如線牽宅中而不然越二日有狂生候蔡見其  
字曰符非符字非字何以服人雷復震視蔡背則中

恩施縣志

卷十二

雜志

十九

添長直始識其字踰年死子孫亦不振其田園宅舍  
皆化爲烏有

童志

人山嶺在老熊坡下坡上望之峰與坡齊遠至一二十  
里則坡隱不見一峰特聳如人形叛民向龍祖冢向  
焉相傳戎角村捲洞寨內有石類婦人出廖氏女亦  
材武向龍娶焉成化間向廖二姓相比以判剽掠巫  
建等縣屢勤王師戎角前據板龍尾斑鳩崖下有清  
江後有容美萬山之阻中有良田廣囿故官軍至卽  
保老鷹捲洞等寨人山後小溪前清江二水周圍險

固難奪正德時指揮童昶奉檄擒首惡數十人追出被擄戶口餘黨撫順昶精地理知人山作崇穴石生妖乃移向氏老熊坡祖冢鑿人山腦復至捲洞寨鑿其石人山鑿雷復震之尤見天人感應焉

向述河內郡人爲漢景帝駙馬時巴蠻攻刼帝以王鎮秭歸元妃公主劉氏次妃許氏王之健將則許氏兄弟也王在鎮安攘有功教養有法得楚蜀人心生子十六分十子入衡陽六子入川聚橋頭分遺破釜命各執一片世守爲信王卒葬秭歸篁竹沱東晉桓誕恩施縣志

卷十二

雜志

二十

自立爲施王後以沔北降魏施爲向氏所據王顯靈於大宋爲歸民驅疫民上狀遂敕封建廟賜額蠻人畏疫故自歸而上達於施州多有不祀其先而祀所謂向王者

許環衛軍籍博學通醫以明經知睢寧縣邑有鄉先生女年及笄忽得奇疾臥帳內揭帳卽死許命汲清水二十擔貯兩大缸於臥內乃入房揭帳去衾女見風死矣急將水淋之盡十擔而女微動許呼速淋之再盡十擔命侍女拂乾覆以被許出坐未定女得大汗

而愈又一紳暮年生子無皮公問產母服食居處紳曰某苦無子得孕甚喜置妾於樓產亦在樓許曰藥用淨黃土末徧身搨之三日靨脫而皮生矣  
蝦蟆石在東門渡口水中見則有災眚

方洞峽口有一方洞無路可達只可北岸對望其中有板或露或隱或整齊或參差見則附近居民多不吉祥

邑土產香楠而民不知蓄陳者絕少產茶而民拙於焙香者絕少產五加皮以浸酒香美有殊效而民尙桂

恩施縣志

卷十二

雜志

廿一

花酒三者皆恨事

俗以麴蘖和雜糧於鑊中久之成酒飲時開鑊沃以沸湯置竹管於其中曰啞筭先以一人吸啞筭曰開鑊然後彼此輪吸初吸時味甚濃厚頻添沸湯則味亦漸淡蓋蜀中釀法也鉛山蔣心餘太史忠雅堂集有啞酒詩可謂曲盡其妙附載於此地鑪暖深鑿酒香生座隅緩水蒸蝠蝠鬢發看浮蛆截竹爲留犁露頸沒其跌主客次第嘗吸之嚙徐徐中通風過簫暗引樂出虛注泉便作醴仙釀逡巡如鑿面白水添鑿底

醇醪儲貫糟出沈齊氣體成須與枳橘性則一涇渭  
源豈殊神丹變兼金黃芽轉河車物理可旁通速化  
然非歟再拜求釀法酒經願箋疏杭稻穀梁稷皆可  
麴蘖俱和以衆露香欲點塞上酥百花歸蜂衙五金  
一同鑪至味哂乃出淺嘗得其粗蜀有雲安春復有  
郫筒酷可惜少陵翁取醉徒咨且東坡不解飲真一  
堪胡盧胡啖道士蜜甯發調水符浙人尙越醴六載  
糟邱居今夕換別腸沉湎不願餘只疑虹首垂又疑  
斗柄斲底須吸西江欲續無功書久出醉翁門才識

恩施縣志

卷十二

雜志

廿二

涪溪醺彭宣醺侯巴是皆聖人徒

灣灘河上流峽若瞿塘水近東岸有泉名龍潭嘉慶末  
漁人王某捕魚潭邊見平沙有巨人跡長二尺許王  
不爲意忽霹靂一聲水勢鼎沸瞬息高丈餘兩岸皆  
赤見巨蟒破浪而出首黑脊紅身長數丈蜿蜒曲屈  
久之復還故所

白巖頭之興家坡栗樹二株連理交錯大二十圍蓋數  
百年物也斫之者輒罹災殃一古藤大盈尺纏樹杪  
咸豐年間有人斷其藤血汁涔涔半月不盡傍有一

清池水色忽變若漆亦半月不清次年春藤復生今盈握矣

木貢村荷塘濶數十丈積水澄清村人偶見巨魚游其中堤邊旋見牽舟巨纜隨手拾纜盤結岸上而水中之纜不盡歸取刀斷之至則纜杳然矣咸豐以來崇岡峻嶺之地忽有野豬數十成羣大者三百餘觔小亦百餘觔晝匿夜食田禾農家苦之新寨等處有毫豬徧身毫長盈尺短亦四五寸堅硬如竹步搖有聲夜耗田穀

恩施縣志

卷十二

雜志

廿三

獅子巖有石獅隔十餘里有雞公石相傳乾隆年間秋夜兩石會食田穀鷄鳴方已田者見有鷄獅足跡至二石處驗之確乃碎其足後遂無異

大吉場西南十里許有樹大合抱高數十尺道光初年楹上生棕一株長約丈餘十餘年又一楹生櫻桃一株盈握道光二十二年烈風折棕而櫻亦枯至今大樹猶存

大吉場有川主廟嘉慶年間白蓮教匪竄施廟神於茶園坡現大黃旗十餘面賊懼不入境

咸豐年間八月日晡巴公溪陳氏偏宅火忽起焚斃一物長約二丈骨拱把自睚大如盤拾燼中骨盈五六籬蓋蛟也太守朱公啓仁作詩以紀其異

丫沐峪譚氏宅後古樹大十餘圍忽夢樹神辭云往賴明經家去是年花葉俱無然枝幹長青越十餘年神忽夢告復來竟花葉如常

白洋坪離市二里許一樹生峯頂遙望如織經冬不凋凋則有水火訟獄之災市人常卜休咎焉

天臺山寺有張桓侯石像多著靈異雍正初有蕭某捕

恩施縣志

卷十二

雜志

廿四

魚清涼洞山腳小溪夜半忽岩半呼蕭異之仰視覺石壁開豁循徑躋攀百餘級見一石人挺立於前厲聲曰吾蜀漢張翼德也將之天臺觀子盍負吾遷乎蕭懼從之反顧石壁依然石路則杳然無迹矣

雍正六年馬公昉義以直隸明經銓恩施令泊彝陵月明如晝遙望江中一船儀仗麾從飄飄御風而行轉瞬卽杳是夜縣治白楊坪有里長姚姓者適夢皂衣使呼迎城隍起視戶外有二尺許神像在焉比鄰子亦同夢質諸馬公訊其顛末憬然悟曰嘻疇昔之夜



飄然從江中過者非卽此神也耶卽命建祠祀之故  
南郡有府祠而縣祠則在白楊坪市

道光三十年有癰僧年約十餘歲面黃瘠乞於市惟求  
糠粃掬而吞之與以米不受問其故曰祇許人喫糠  
不許糠喫人久之不見不數歲遂有咸豐四年八月  
之變令是邑者適爲任公海晏

施州衛南一百里爲今之宣恩縣明玉珍據蜀設官統  
其地洪武四年改屬衛道光二十二年郡城南鄉農  
人斲獲二銅印大者博二寸餘文施南萬戶府背鐫

恩施縣志

卷十二

雜志

廿五

大夏天統三年小者博二寸文施南宣撫司司獄司  
銅色斑爛農人獻於顧藹亭太守胡正棻因作雙古  
銅印歌云清江水擁蠻雲走帔布倏錢俱腐朽剩有  
青銅雙印存時移已落田夫手田夫見之輟耕歎懼  
躍祥金獻長官董鼎大書太師爵蜀鏡鐫記乾德年  
始知元代金甌破西國精夫登寶座吹角驚降巴子  
蠻提刀割據夜郎大想持此印耀山中樊覃相鄭拜  
英風願貢黃連三百石願輸赤米十千鍾想鈐此印  
爲符牒燹僮笮嫗皆奔懾甘心負弩先前驅甘心吹

蘆從野獵天星忽墮旄頭妖風捲狼烟頃刻消那識  
沉沙千載鐵猶堪磨洗認前朝唐絲屈曲朱文古薑  
尾龍麟爭起舞禱杙書燒雞次亡龜頭之上尋年譜  
印兮印兮留完膚身備蠻王命官書光暈人爭誇古  
物摩娑我更發狂吁當時若削撐犁號手捧鹽山奉  
漢詔白狼能歌歸義詩錢王定入昭忠廟君不見將  
軍肘後懸黃金史官列傳紀功臣公孫妄自尊西蜀  
終是蛙鳴井底春

雷轟不肖子事奇而理常故人多信而畏之乃悍婦亦

恩施縣志

卷十二

雜志

廿六

千天怒其真有可怖者不可不知也咸豐時老村有  
婦虐夫雷擊死翁亭趙詠學博序其事曰有李氏女  
爲張氏婦性悍酷翁姑就養次子婦悍愈甚其夫無  
飽煖日忽病瞽使別宿薪室樓張登樓手探板虛其  
半墜知婦害己也乃臥於溷宅一日午晴婦攜筐謂  
子女曰好視之毋使兩足猪食吾食我往南畝採豆  
葉餒汝家兩足猪少頃雷雨自西來聲轟然山頭樹  
忽拔穿屋而下婦忽自外奔入甫及門牆傾婦陷泥  
中死跪一足一目珠不見背虫篆不了了其夫暨小

兒離牆尺許無恙

祥眚

宋太平興國元年五月施州麥秀兩歧

垂拱元年秋七月施州衛鼓角池生嘉蓮

二年七月施州蚘蚋蟲生害稼

大中祥符七年九月施州禾一莖九穗至十二穗

嘉祐六年八月施州歌羅砦生芝四本

治平元年施州大水

元祐二年正月白虹貫日

恩施縣志

卷十二

祥眚

廿七

元符元年八月施州李木連理

紹興二十八年八月施州大風雨

淳熙三年冬施州大饑 以上見宋史五行志

明

宏治三年春二月施州石心村山崩有石二類人形

距五里清江南岸山裂大石塞江水壅爲灘

正德十一年夏施州大水壞城漂民居馬欄寺山裂

以上見湖廣通志

國朝

康熙二十二年施州蟲

二十四年兩雹

乾隆十九年秋大熟

四十四年清江水溢 以上見舊志

嘉慶三年戊午秋有年

五年庚申麥有秋有年

六年辛酉麥有秋有年

十三年戊辰四月十六日西鄉燕子巖山崩四里許

嘉慶二十四年己卯邑大疫

恩施縣志

卷十二

祥 告

廿八

道光元年辛巳饑民采蕨食

三年癸未夏六月朔日食既 衆星現

六年丙戌春二月廿八日申刻有星如月自南流西

有聲

七年丁亥夏霪雨麥未穫生芽

十年庚寅霪雨傷稼饑

十一年辛卯夏豺犬食人

十二年壬辰冬大雪深三尺積月不化

十三年癸巳秋螟螣害稼饑

十四年甲午夏四月豺犬食人

十五年夏旱

十七年丁酉夏六月郡城嘉蓮池蓮花並蒂

十八年戊戌秋七月清江水溢

十九年己亥秋八月朔霜歲大侵

二十四年甲辰有年

二十八年戊申葛家坡盧氏女年十二變爲男

二十九年己酉夏霪雨彌月不止奇饑斗米千錢

咸豐元年辛亥正月廿四日巳時烏羊壩鄧士玫家

恩施縣志

卷十二

祥眚

廿九

天雨米可炊

二年壬子秋大熟穀一莖兩穗至四五穗

三年癸丑夏五月日反暈缺一隅

五年乙卯春正月大星晝見自北流南光燭地行有

聲

夏五月初八日地震

是月太白晝見至九月始滅

七年丁巳夏五月清江水溢

九年己未春三月東鄉馬田村地震

十年庚申秋八月奎星閣桂再花

十一年辛酉夏六月長星如匹練自井分入紫微垣  
抵太微垣秋七月兩星鬪一星殞地

下塘壩在城東一百二十里地廣平宜稻道光戊  
戌年七月十一日地忽作裂帛聲居民盡移他處  
越三日夜山崩時邑令王公爲之正經界免賦稅  
焉

同治元年壬戌春正月丁未東鄉和灣天雨墨  
二年癸亥歲大禳

恩施縣志

卷十二

祥售

三十

四年乙丑正月望府學宮櫺星門赤虹纏兩柱  
夏五月朔府學宮泮池水潮聲如沸如是者三日  
同治四年夏閏五月桂有花

辨譌

舊志魏咸熙二年施州靈龜產於龜溪考魏志元帝咸  
熙二年春二月甲辰胸臆縣獲靈龜以獻按胸臆屬  
蜀郡故城在夔州府雲陽縣西非施州界且三國時  
無施州名舊志失考

舊志載此地唐爲業州珍州鶴州費州按唐書地理志

施州清化郡本清江郡天寶元年改爲縣一清江一  
建始隋義甯元年置開夷武德元年省入清江義甯  
二年置業州貞觀八年廢屬建始此則業州之隸清  
化郡也至蔣州龍溪郡本舞州長安四年以沅州之  
夜郎渭溪二縣置開元十三年以武舞聲相近更名  
鶴州大歷五年更名蔣州領縣三峩山梓薑渭溪此  
鶴州之隸龍溪郡不隸清江郡也費州涪州郡貞觀  
四年析思州之涪州扶陽置縣四涪州扶陽多田城  
樂此費州之涪州郡不隸清江郡也貞觀十六年開

恩施縣志

卷十二

祥告

卅一

山崗置珍州并置夜郎鄯臯樂源三縣後爲夜郎郡  
元和二年廢縣皆來屬此珍州之隸溱州溱溪縣不  
隸清江郡也

舊志載巴蔓子尹珍於人物考明一統志未載二人巴  
蔓子爲巴子國臣在重慶府以施郡都亭山有巴蔓  
子墓故收入人物至尹珍爲母斂人在今遵義府乃  
漢武平夜郎所置牂牁郡屬縣也與施無涉

按明一統志施州在春秋爲巴國界何必巴蔓子  
之不爲施人况都亭旣載其墓而不載其人於人

物義亦未安

舊志載趙君復於選舉趙國珍田康於人物考唐書南蠻列傳開元中牂牁酋長謝元齊之孫嘉藝襲祖封其後趙氏爲酋長二十五年趙君道來朝其裔趙國珍有方畧授黔中都督屢敗南詔護五溪十餘年終工部尙書又趙氏世爲酋長夷子渠帥姓季氏與西趙皆南蠻別種勝兵各萬人自古未嘗通中國黔州豪帥田康諷之故貞觀中皆遣使入朝按三人皆南蠻世襲酋長非施州人舊志誤載致通志亦沿而誤

恩施縣志

卷十二

祥管

卅二

舊志載杜南於流寓考唐書本傳及杜集年譜實未至此

舊志載鄭虔於流寓以杜甫有鄭典設自施州歸詩遂以鄭典設爲虔也按唐書百官志典設爲東宮官考鄭虔本傳虔未嘗爲此官杜所贈詩者自別一人未可以虔實之也

按舊志載杜甫鄭虔於流寓相承已久或別有所據今李志以唐書列傳未載遂並去之然明鄒公維璉謫戍施州本傳亦未載而鄒公在施遺蹟甚



多未可謂其未至施也史之缺畧者多矣其軼時見於他說與其過而去之不如過而存之少陵贈鄭典設自施州歸詩末云我有平肩輿前途猶準的翩翩入鳥道庶免蹉跎厄舊志載入流寓蓋因此也今仍舊載入

舊志載施王屯云桓元子誕竄蠻中自稱施至考晉書桓元誅後桓氏遂滅亦不載誕爲元子

按魏書太陽蠻酋桓誕遣使內屬高祖嘉之拜征南將軍東荊州刺史襄陽王聽自選郡縣誕自天

恩施縣志

卷十二

祥  
管

卅三

生桓元之子也初元奔至枚回洲被殺誕時年數歲流竄太陽蠻中遂習其俗及長多智謀爲羣蠻所歸誕旣內屬治於郎陵卒諡剛子暉襲爵弟叔興拜南荊州刺史正光中南叛二荆西郢蠻大擾據此則誕乃元子荊州蠻亦其所統施王屯之名殆始於此歟

舊志載伍思於名宦考宋史係伍思智又增其文云以拒元兵竟復夔州今節錄宋史入兵事志

杜甫寄裴施州詩黃鶴以爲裴冕朱鶴齡力辨其非以

是詩爲大歷二年冬月所作引公移居東屯詩及史  
所載大歷二年二月左僕射裴冕置宴於子儀之弟  
爲證但裴冕貶施州刺史唐書本傳紀載甚明豈可  
因詩未註名遂謂非其人乎又唐書陳元振傳亦云  
冕貶施州則黃鶴斷以爲冕未可云誤

舊志以沙渠作施州按沈約宋書州郡志吳孫休永安  
三年分宜都縣置建平郡領信陵興山秭歸沙渠四  
縣晉亦有建平郡太平元年吳平併合永初宋武帝  
年號

郡國有南陵建始信陵興山永新永寧平樂七縣按

### 恩施縣志

#### 卷十二

祥 告

卅四

太康地理志無南陵永新永寧平鄉新鄉五縣疑是  
東晉所立信陵興山沙渠吳所立建始晉初所立也  
領七縣巫秭歸歸鄉太康地理志秭歸國北井泰昌沙

渠新鄉此宋書所載也今按巫郎今巫山縣秭歸卽  
今歸州歸鄉亦在歸州北井亦在夔州大寧縣後周  
省入太昌按晉太昌後周改大昌大昌亦卽今大寧  
縣惟沙渠新鄉不詳所在考水經注渠出南巴嶺流  
逕宕渠縣謂之宕渠水漢有宕渠縣明一統志渠縣  
本漢宕渠縣地俱在今四川順慶府之南充蓬州營

山廣安渠縣大竹兵池等地界有渠縣而無沙渠之名以愚考四川順慶府東與夔州府梁山縣連界建平與夔州府連界建平沙渠既無明文可考大抵不離順慶府所屬州縣者近是且宋書云沙渠晉起居注太康元年立按沙渠是吳建平郡所領吳平不對方立不詳是宋書不特未據太康地理志註明沙渠所屬並所立亦且不詳舊志謂卽施州何所考據而云然

謹按舊志以沙渠作施州地原非無據李氏宗汾

恩施縣志

卷十二

祥售

卅五

雜引史志力辨其非且援水經注渠出南巴嶺流逕宕渠縣謂之宕渠水遂欲以四川順慶府之渠縣爲沙渠地謂沙渠屬建平郡建平與夔州府連界順慶與夔之梁山連界沙渠既無明文可證大抵不離順慶所屬州縣者近是此臆說也今卽宋書州郡志考之吳孫休永安三年分宜都置建平郡領信陵興山秭歸沙渠四縣沙渠既隸建平分宜都地置則沙渠必近宜都可知且與秭歸諸縣同隸建平則沙渠必與秭歸諸縣相連可知今施

東接宜都東北接歸州興山其爲沙渠固已確然  
可信何至越夔至順割一渠縣來屬之理且尤有  
可據者則在夷水清即江今水經注夷水又東逕建平  
沙渠縣縣有巫城南岸山五百里其水歷縣東出  
焉又夷水自沙渠入佷山縣佷山漢縣屬武陵故  
城在今長陽縣西  
又東逕佷山縣故城南又東北逕夷道縣北又東  
逕宜都縣北東入江沙渠爲夷水所經下流佷山  
宜都則卽夷水以定縣沙渠之爲施不大彰明較  
著乎安得謂無明文可據而牽一不相連屬之渠

恩施縣志

卷十二

祥售

卅六

水且以一字偶同之渠縣當之眞不足資一噓矣  
舊志載成汭於名宦因唐書本傳有請立廟以祠之文  
更不詳考本末今考本傳則知汭本盜賊因時多故  
竊據歸施其救鄂州則黨朱全忠而抗王師至於兵  
敗身死遂失施州本無功德於施不得入名宦詳兵  
事志

按恩施縣志載東坡鐵溝行贈喬太傅一詩查初白  
補註云鐵溝水原出烽火山流經諸城縣東北一十  
五里入澁水見陳折山東志今闌入施州非也然明

一統志亦載鐵溝水在衛城東則承訛已久矣

恩施縣志

卷十二 祥管